

Mercedes Abdul-Hamid REDACTORA NA DIARIO



Sra. Mercedes Abdul-Hamid aunke cu e no tin un auto propio e sa di cana busca su noticianan tur dia y tur caminda. Den awacero, den solo cayente y na tur momento bo ta haya Sra. Mercedes ariba caya. Tin ora hasta zundranan e ta haya pa su acento pero na tur momento e ta cumpli cu su trabao debidamente y treciendo lo ultimo cu el a copila ariba caya. Masha stima e ta den e parti di e juventud pa su seccion special cu e tin tur Diaranzon cu ta Juventud den Movercion cu e ta hacie cu hopi amor na vanguardia di nos juvend. Pa e pueblo conoce un poco mas di cerca Sra. Mercedes den e edicion special aki nos a sostene un entrevista chiquito cu ne.

FOR DI KI TEMPO BO TA TRAHANDO DEN PRENSA?

"Mi a cuminsa traha den prensa na aña 1982, na Consulado di Venezuela na Curacao, unda mi a encarga cu traduccion di e noticianan mas importante di corant na Papiamento pa Spaño; haci entrevista cu un of otro Diputado tocante acuerdo nan mas tanto comercial, entre Antiyas y Venezuela, y por cierto a toca mi sigui hopi di acerca e traspasso di e refineria di Curacao pa P.D.V.S.A (Isla), y e sucesonan relaciona cu Aruba su Status Aparte, y desaroyo di

turismo.

Cu tur esaki mi tabata prepara un resumen mensual y otro anual di prensa. Un trabao hopi interesante, pero completamente otro na loke mi ta haciendo awendia.

Na aña 1989 mi casa cu tabata polis na Curacao a bin join e Cuerpo Policial di Aruba, y na aña 1990 ami cu mi yunan a bin biba aki. Na aña 1990 mes Toti Arends, bao recomendacion di Shon Pe Krozendijk a tuma mi na trabao como redactor di Corant "Di Nos". Esaki nunca lo mi lubida! Toti Arends a habri e porta di prensa Arubano pa mi y dje eynan mi a bay traha na otro dos corant, te na aña 1992 cu mi a subi e trapi pa yega DIARIO unda mi tin 6 aña y mey caba ta trahando."

PAKCO A SCOGE PA E TRABAO DEN REDACCION?

"Mi a scoge e carera di Periodismo pasobra for di mucha mi a gusta skirbi y puntra. Na school secundario nos tabata tin un corant den cual mi tabata skirbi cosnan cu tabata pasa den mi bario, publica poesia, etc.

Prome cu studia Periodismo na Universidad di Costa Rica mi a haci un curso di Estadistica Medico relaciona cu mi trabao na Hospital de Niños. Di aki a nace mi interes pa ora mi tin oportunidad busca informa-

cion y skirbi riba temanan medico."

CON BO TA HAYA E TRABAO DI REDACCION?

"Mi ta haya cu e trabao di redaccion ta masha interesante pero alavez delicado. E ta rekeri di hopi vision y gran responsabilidad ya cu basicamente nos tin cu presenta cerca e lector un cuadro real di loke ta pasando awe den nos pais, riba tur tereno, sin troce e berdad."

E TRABAO TA EXIGI HOPI DI BO?

"Sigur. E ta un trabao cu ta existi di mi hopi tempo, perseverancia, amor y dedicacion."

KICO PA BO TA E NOTICIA MAS A CONMOVE BO E AÑA AKI?

"E manera con Lady Di a muri a conmove mi hopi, pero mas ainda e caso local di e morto tragico di Moraima, cual te awe mi no por kita di mi pensamiento. Tambe e desastre cu Horcan Georges a laga atras, specialmente na Santo Domingo."

KICO TA NOTICIA PA BO?

"Kico ta noticia pa mi? Well, tur suceso of acontecimiento actual cu no solamente ta hala atencion y interes di e pueblo, pero cu ta haci efecto (positivo of negativo) riba nos comunidad."


DIARIO CELEBRANDO 18 AÑA

Pabien

na e matutino
cu ta tene e pueblo
bon informa tur dia

WIPCO

REDACTOR ROBBY BURLESON



Robby Edgard Burleson tambe ta un di e trahadornan cu a cuminsa cu Agencia Arubano di Noticia for di su inicio cu DIARIO. El a solicita pa e trabao di fotografo/redactor deportivo ya cu e tabata gusta deporte asina hopi cu e kier a yuda cu informacion di deporte.

Pa Robby e trabao di redaccion ta uno responsabel ya cu mester sa kico bo ta skirbi pa despues bo hayabo cu un que otro reclamo. Y

locual cu mas e tabata gusta di busca e noticia pa pa sali ariba caya y bin cu su noticianan fresco di dia.